



Informasaun importante kona-ba vistu Protesaun

Informasaun ne'e disponivel iha lian sira seluk. Haree [Australia's protection obligations \(homeaffairs.gov.au\)](https://www.homeaffairs.gov.au)

Vistu Protesaun sira

Vistu protesasaun sira ne'e ba ema sira (ka sira-nia membru familia) ne'ebé hasoru risku réal ba prejuízu signifikativu se sira fila ba sira-nia rain ka possibilidade réal ba persegisaun ho razaun sira hanesan:

- rasa
- relijiaun
- nasionalidade
- membru ba grupu sosiál partikulár ida ka
- opiniaun polítika.

Bainhira Ita-Boot aplika ba vistu Protesaun ida, Ita-Boot buka azilu iha Austrália husi Ita-Boot nia rain (nasaun rasik).

Vistu Protesaun ne'e la'ós ba ema sira ne'ebé hakarak de'it atu hela kleur iha Austrália hodi serbisu.

Se Ita-Boot aplika ba vistu Protesaun ida, Ita-Boot deklarata katak ida ka rua ne'e hotu husi buat sira tuir mai ne'e loos:

- Ita-Boot labele fila ba Ita-Boot nia rain sein hasoru risku réal ba prejuízu signifikativu ka possibilidade réal ba persegisaun.
- Ita-Boot membru familia ida husi ema ida ne'ebé maka halo ona reklamasan sira hanesan ne'e.

Ita-Boot sei la hetan vistu Protesaun ida se Ita-Boot bele tama legalmente no hela ho seguru iha nasaun seluk (aleinde Ita-Boot nia nasaun rasik), iha ne'ebé Ita-Boot sei la hasoru risku réal ba prejuízu signifikativu ka possibilidade réal ba persegisaun, no nasaun ne'e sei la haruka fali Ita-Boot ba nasaun seluk iha ne'ebé Ita-Boot sei hasoru risku réal ba prejuízu signifikativu ka possibilidade réal ba persegisaun. Ita-Boot só bele aplika ba vistu Protesaun nian se Ita-Boot **presiza duni azilu** iha Austrália.

Bele iha vistu sira seluk ne'ebé maka apropriadu liu ba Ita-Boot no Ita-Boot nia situasaun. Aprende kona-ba vistu sira seluk iha [Explore visa options \(homeaffairs.gov.au\)](https://www.homeaffairs.gov.au).

Saida maka akontese se Ita-Boot nia aplikasaun ba vistu Protesaun nian hetan rekuza?

Se Ita-Boot hetan rekuza ba vistu Protesaun nian, Ita-Boot labele ona aplika ba maioria vistu sira seluk no sei prezisa sai husi Austrália se Ita-Boot laiha vistu válidu. Se Ita-Boot laiha vistu ne'ebé válidu, Ita-Boot bele hetan detensaun no hasai husi Austrália.

Se Ita-Boot hetan detensaun no hasai husi Austrália, dala ruma Ita-Boot tenke selu fali kustu sira ne'ebé uza hodi hasai Ita-Boot. Ida-ne'e bele to'o dolar rihun ba rihun.

Aplikasaun ba vistu Protesaun ne'ebé maka hetan rekuza sei hela metin iha Ita-Boot nia rejistu imigrasaun ba moris tomak. Ida-ne'e bele mós halo susar liu Ita-Boot no Ita-Boot nia família atu vizita Austrália iha futuru. Vistu Protesaun ne'ebé hetan rekuza bele fó impaktu ba Ita-Boot nia aplikasaun vistu iha futuru ba nasaun sira seluk alende Austrália, depende ba tipu vistu ne'ebé Ita-Boot aplika ba.

Ita-Boot nia responsabilidade sira bainhira reklama protesau

Ida-ne'e depende fali ba Ita-Boot atu fornese detalhe sira kona-ba Ita-Boot nia reklamasaun ba protesau no evidénsia sira molok Department of Home Affairs foti desizaun.

Ita-Boot tenke esplika ho klaru tansá Ita-Boot prezisa protesau iha Austrália no fornese informasaun ne'ebé kompletu no loos ba Departamentu ho lalais.

Bainhira hatama aplikasaun ba vistu Protesaun nian, ida-ne'e Ita-Boot nia responsabilidade atu asegura katak informasaun hotu-hotu ne'ebé Ita-Boot fornese ne'e loos, maski ema seluk mak kompleta no hatama aplikasaun ba Ita-Boot.

Ita-Boot labele husik ema ida atu aplika vistu Protesaun ba Ita-Boot sein komprende saida maka Ita-Boot aplika ba no informasaun saida maka fornese iha aplikasaun.

Ita-Boot maka responsavel atu asegura katak Ita-Boot aplika ba tipu vistu ne'ebé loos no tuir Ita-Boot nia vistu nia kondisaun sira, maski Ita-Boot uza ajente migrasaun rejistadu Australianu ka pratikante legál Australianu.

Ajente migrasaun sira ne'ebé rejista ona nia lista iha Department of Home Affairs nia website. Bele halo tuir oinsá atu hili ajente migrasaun iha [steps to choose a migration agent \(mara.gov.au\)](https://www.mar.gov.au).

Penalidade sira ba reklamasaun falsu sira

Bainhira aplika ba vistu Protesaun ida aplikante sira tenke halo deklarasaun.

Fó informasaun falsu ka enganozu ne'e ofensa sériu ida iha Austrália no Ita-Boot bele hetan penalidade kriminal.

Ema ne'ebé fornese informasaun falsu ka enganozu iha aplikasaun vistu nian bele hetan multa boot, tinan 10 iha kadeia, ka rua ne'e hotu.

Karik deskobre katak Ita-Boot fó informasaun falsu ka enganozu hafoin Ita-Boot hetan ona Ita-Boot nia vistu, Ita-Boot nia vistu Protesaun bele hetan kansela.

Konsellu legál gratuitu ne'e disponivel

Molok Ita-Boot aplika ba vistu Protesaun ida, Ita-Boot hetan enkorajamentu maka'as atu buka konsellu legál gratuitu ([free legal advice](#)) husi fornese-dór legál espesialista refujiadu no imigrasaun nian iha Ita-Boot nia estadu ka territóriu.

Fornesedór sira-ne'e bele ajuda Ita-Boot :

- buka hatene se Ita-Boot elejivel ba vistu Protesaun ka vistu seluk ne'ebé adekuaadu liu
- komprende prosesu aplikasaun
- komprende implikasaun sira husi rekuza vistu Protesaun nian
- kompleta no hatama aplikasaun ba vistu Protesaun nian se presiza.

Ita-Boot mós bele hetan ajuda legál gratuita husi asisténsia legál ka sentru legál komunitáriu iha Ita-Boot nia estadu ka territóriu.